

Бичкдүдт музыкальн сургъмдж өгхмн .

Мана орн-нутгт музыкальн сургъуль делгрүлхд болн музыкальн культур бодлуулгънд Коммунистическ партъ болн Советск правительств икар оныган өгнә.

Йирин школмудар музыкальн занягъ келгънд йилгъән ик чинр өггдджәнә, юнъгад гихлә, музыкальн культуриин улнь мел үүнд эклдж батлгдх зөвтә. Болв, мана гундлд, музыкальн классар шишлнь кадр тату болсн учрар, Элстин школмудар эн программ кѳцәгдлго үлдәд бәәнә.

Күч-көлсчирин депутатирин Советин Хальмг таньгъчин кѳцәгч комитетин шиидврәр, Элст балгъснд бичкдүдин музыкальн школ секгдджәнә, эн школ бичкдүдин музыкальн культур делгрүлхд дөнъ болдж, художественн самодейтельностьд шунмгъа орлчачнр сургъдж, музыкальн медрлин системин нег ик гисн звенонъ болдж гарх зөвтә. Эврәннъ гол төрләрн зерглүлдж, бичкдүдин музыкальн школ, музыкальн билгтә кбвүл, кѳүкд шуудж, шишлнь музыкальн училищд орхднъ нбкд болх зөвтә.

Музыкальн билгтә бичкдүдин медрл болн эстетическ хәләц батлдж, тедниг профессиональн ур-эв дасхднъ, орсин музыкальн школин авъясинь болн цуг сән хамгинь дасдж, медхднъ сургъмдж

өгх ик чинртә төр Элстин музыкальн школин өмн тәвгдджәнә.

Музыкальн школд ода бәәх музыкальн медрлин систем эн тоотиг кѳцәхд ик дөнъ болхмн, юнъгад гихлә, Элстин музыкальн школд (фортепьяно, хур, баян, духовой инструментс) шишлнь музыкальн инструментс бичкдүдт дасхсн деерән, кесг эрк биш сурх дисциплинс өггдхмн: музграмота, сольфеджио, музлитература, музансамбль болн нәнъ чигн. Эдниг цугтнъ дассн цагт, бичкдүд музыкин айс сәәнәр даслгъна сургъмдж авхднъ ик нбкд болхмн, олар нишилдж ансамбльд наадхин авц дасхна, эврән бийнъ тустан творческ кблмш кехднъ дөнъ болад, бичкдүдиг художественн авцд ницүлдж, музкд дурга болгъдж, эврән бийднъ музыкальн произведе-ниг таньдж, тодлдж авх эв-аргъ өгхмн.

Хамгин бички цагтан сонъссн луд, инструментальн пьесмүд толгъагъас кезә чигн гарш угагъар батрдж, дакндакн сонъсгддгинь, билн цугъар сәәнәр меднәвди.

Музкд дурга эс болх, түүнүр цуг чееджәрн эс зүткджәх кѳүкд уга. Музыкиг чееджәр медлгън болн музыкальн билг, бички цагт амрар делгр-

нә. Бички цагтан эврән чикәрн сонъсад меддж авсн музк, хбннъ кедү дакдж кучнәс дасснд-дорхнъ деер болна.

Эн бәәдл-авциг батлдж, делгрүлдж, сән билгтә бичкдүдиг шуудж йирин школмуд шишлнь музыкальн медрл дасххин кергт, музыкальн школмудар бичкдүдиг илгәх зөвтә. Тер цагт, эн школин сургъульчнр профессиональн музыкантнр болдж гарну, эс гидж нам йирдән музкд дурга улс болну, болв элн энъкр бички цагиннъ келән эн музкд данъгинд сонъсх, музыкальн самодейлностин шунмгъа гардачнрнъ болн орлчачнрнъ болдж гарх.

Йирин школд сурчасн бичкдүд, түүнләрн хамдан художественн болн музыкальн школмудар сурхла—тедн улм ик кѳцәтәгъәр сургъулян дасдгнъ лавта ил.

Ирх цагин кадр өмнәснъ белдлгън--мана өмн тәвгдджәх эрки төрмүдин негнъ. Бичкдүдт музыкальн сургъмдж өглгън, теднә олна медрл делгрүлгънлә тасрхан уга залгълдата, тегәд чигн шинәс бурдәгдджәх бичкдүдин музыкальн школ эн эрки төрмүдиг кѳцәхнъ лавта, эдниг кѳцәх цуг эв-аргънъ бәәнә.

И. ЗЕЛЬДИН,
Элстин бичкдүдин музыкальн
школин директор.